

周

禮

正

義

周禮正義卷四十四

瑞安孫詒讓學

樂師掌國學之政以教國子小舞謂以年幼少時教之舞內則
日十三舞勺成童舞象二十舞大夏疏掌國學之政以教國子
小舞者佐大司樂而與舞師師氏保氏爲官聯也國學者在國
城中王宮左之小學也學小舞之國子未入大學則掌國學爲
小學明矣王制云六十養於國七十養於學彼養學爲大學養
國亦據國中小學言之不言學者文略此詳言之故曰國學大
司樂掌大學則教大舞此樂師掌小學則教小舞亦互相備凡
周小學在國不在郊詳大司樂諸子疏國子卽大司樂國之子
弟不言弟者亦文略也賈疏云此樂師教小舞卽下文敔舞已

下是也此言小舞大司樂雲門以下爲大舞也 注云謂以年
幼少時教之舞者謂國子年十三以上十九以下者樂記所謂
童者舞之是也此官則於小學合而教之凡國子十三入小學
二十入大學少儀云問大夫之子長幼長則曰能從樂人之事
矣幼則曰能正於樂人未能正於樂人注云正樂政也彼從樂
人之事蓋謂能舞六大舞者正於樂人卽謂受教於樂師舞師
也互詳師氏疏引內則曰十三舞勺成童舞象二十舞大夏者
證未二十皆學小舞也鄭彼注云先學勺後學象文武之次也
成童十五以上大夏樂之文武備者也內則孔疏引熊氏云勺
簫也舞象謂用干戈之小舞也以其年尚幼故習文武之小舞
也賈疏云勺卽周頌酌序云酌告成大武也言能酌先祖之道

以養天下也鄭注云周公居攝六年所作是也象者周頌序云維清奏象舞注云象用兵時刺伐之舞武王制焉是也此皆詩詩爲樂章與舞人爲節故以詩爲舞也此句與象皆小舞所用幼小時學之也人年二十加冠成人而舞大夏大夏夏禹之舞雖舉大夏其實雲門以下六舞皆學詒讓案句象並小舞之樂章下經帔羽等則據器服言之左襄二十九年傳說季札觀樂云見舞象箛南箛者杜注云象箛舞所執南箛以箛舞也皆文王之樂案季札先觀象箛南箛而後觀大武以上四代大舞則象卽小舞之象箛卽小舞之勺可與熊氏之說互證但依杜及熊義則勺箛字通依鄭義勺又爲酌之借字故燕禮云若舞則勺注云勺頌篇告成大武之樂歌也既合鄉樂萬舞而奏之二

義不同未知孰是也至詩箋以勺爲周公作大武時所作象爲武王所制與春秋繁露二代改制質文篇墨子三辯篇漢書禮樂志說同杜以象爲文王之樂史記吳世家集解引賈逵詩周頌孔疏引服虔說竝同呂氏春秋古樂篇又云周公爲二象蓋所傳之異白虎通義禮樂篇云周公曰酌武王曰象合曰大武然則周初所制小舞非一至大武作而聲容極盛可以兼包諸小舞故此經舞師大司樂樂師諸職咸不列勺象二舞之名與又文王世子明堂位祭統仲尼燕居說下管樂曲亦曰象鄭並謂卽象舞非也詳後疏凡舞有帔舞有羽舞有皇舞有旄舞有干舞有人舞故書皇作聖鄭司農云帔舞者全羽羽舞者析羽皇舞者以羽冒覆頭上衣飾翡翠之羽旄舞者麓牛之尾干舞

者兵舞者舞者手舞社稷以帔宗廟以羽四方以皇辟應以旄
兵事以干星辰以人舞望讀爲皇書亦或爲皇玄謂帔析五采
繒今靈星舞子持之是也皇雜五采羽如鳳皇色持以舞者舞
無所執以手袖爲威儀四方以羽宗廟以人山川以干旱暵以
皇疏凡舞者辨六小舞之名與下經樂儀射節皆樂師之官法
也賈疏云此六舞者卽小舞也若天地宗廟正祭用大舞卽上
分樂序之是也按舞師亦陳此小舞云教皇舞帥而舞旱暵之
事卽皆據祈請時所用也詒讓案此六小舞皆自有樂章上注
勺象等亦其類也 注云故書皇作聖者詳舞師疏鄭司農云
帔舞者全羽者以一大羽注之幢首也說文羽部云翬樂舞執
全羽以祀社稷也從羽友聲讀若絳案先鄭以帔舞亦用羽則

周禮正義

禮四十四

五百四十六

翬爲正字幘同聲段借字許蓋從賈景伯本作翬於羽舞形義爲切但二鄭讀與許書說不盡同故於此經鼓人舞師皆不出翬字也互詳賈人疏云羽舞者析羽者舞師注云羽析白羽爲之形如幘也案析羽者襍眾羽也賈疏云先鄭意以司常有全羽爲毳析羽爲旌相對卽以此幘舞爲全羽羽舞爲析羽相對解之後鄭破幘舞不破羽舞也云皇舞者以羽冒覆頭上衣飾翡翠之羽者段玉裁改皇爲翬云今本作皇舞非也司農從翬又曰讀爲皇鄭君則作皇而說義各別案先鄭先釋文義而後正其讀則此文自當作翬舞段校是也左昭十二年傳楚王秦復陶翠被杜注云以翠羽飾被說苑善說篇襄成君衣翠衣先鄭說舞衣蓋與彼相類舞師注但云皇舞蒙羽舞不言衣飾翡翠

翠羽者文不具也此云衣飾翡翠之羽則覆頭之羽當亦然爾
雅釋鳥云翠鵲左傳二十四年傳鄭子城好聚鵲冠孔疏引李
巡云鵲一名爲翠其羽可以爲飾然則翡翠羽覆頭則近於鵲
冠矣互詳舞師疏云旖舞者旖牛之尾者釋文云旖舊音毛劉
音來沈音狸或音茅字或作旖或作旖皆同案說文旖部云旖
西南夷長髦牛也旖旖牛尾也旖彊曲毛可以著起衣沈音狸
者字作旖也或音茅者讀爲旖也舊音毛者讀爲旖也序官旖
人注及御覽樂部引此注並作旖牛劉音來者字作旖也旖爲
長髦牛之正名其尾名旖因謂之旖牛旖可以爲旖因又謂之
旖牛二者通稱此經旖舞及旖人凡言旖者並據旖牛尾而言
正字皆當作旖作旖者段借字若旖則字之誤也序官注云旖

旄牛尾舞者所持以指麾山海經北山經云潘侯之山有獸焉其狀如牛而四節生毛名曰旄牛郭注云今旄牛背膠及胡尾皆有長毛又中次八經云荆山其中多羴牛注云旄牛屬也黑色出西南徼外也史記司馬相如傳云犗旄獫狁羴索隱引張揖說與郭璞略同案旄牛卽羴牛上林賦以旄羴並舉文人屬詞不嫌羴復郭張分爲二物非也又春秋繁露二代改制質文篇云主地法夏而王用織旄僊俞樾據周書王會樓煩以星旄孔注旄所以爲旄旄羽耳謂織旄僊卽此旄舞是也云干舞者兵舞者據鼓人舞師並有兵舞也鼓人後鄭注云兵謂干戚也同先鄭義公羊宣八年傳云萬者何干舞也彼干舞爲宗廟大舞此干舞爲小舞二者雖異其爲武舞則同文王世子孔疏云若其

大舞則以干配戚則明堂位云朱干玉戚冕而舞大武若其小舞亦以干配戈則樂師教小舞干舞是也案據鼓人注義則小舞則以干配戚孔說非鄭指又春秋繁露三代改制質文篇云主天法尚而王用錫僊凌曙據郊特牲朱干設錫謂錫當爲錫錫舞卽干舞是也云人舞者手舞者義亦與後鄭同云社稷以帔者據舞師文云宗廟以羽者春秋隱五年經云考仲子之宮初獻六羽彼爲大舞之文舞此則小舞用羽與彼同云四方以皇辟應以旄者經無見文未詳其義辟應卽大學之中學爲王養財之宮詳大司樂疏云兵事以干者干戚兵器故兵事舞之也云星辰以人舞者楚辭九歌東君云思靈保兮賢姱翔飛兮翠曾展詩兮會舞應律兮合節廣雅云東君日也大宗伯祀天

神星辰與日月同科故知星辰有人舞也云至讀爲皇書亦或爲皇者詳舞師疏云玄謂破析五采緇今星靈舞子持之是也者此破先鄭至羽之說也鼓人注云帔列五采緇爲之有秉與此同孔廣森云續漢祭祀志曰漢興八年有言周興而邑立后稷之祀於是高帝令天下立靈星祠以后稷配食舊說星謂天田星也一曰龍左角爲天田官主穀祀用壬辰位祠之舞者用童男十六人舞者象教田初爲芟除次耕種粒耨驅爵及穫刈春籩之形象其功也若然舞師掌教帔舞師而舞社稷之祭祀漢時靈星亦稷之類故持五采緇得帔舞之遺象云皇雜五采羽如鳳皇色持以舞者此亦破司農以羽冒覆頭上之說也舞師注云皇析五采緇爲之亦如帔掌次設皇邸後鄭注亦云采

羽象鳳皇色以爲之云人舞無所執以手袖爲威儀者韓非子
五蠹篇所謂長袖善舞是也云四方以羽者亦據舞師文云宗
廟以人者賈疏云舞無文宗廟是人鬼故知用人也云山川以
干者賈疏云干舞卽兵舞舞師云教兵舞帥而舞山川之祭祀
是也詒讓案山海經中山經云祠首山用干儺置鼓毛詩邶風
簡兮傳云以干羽爲萬舞用之宗廟山川彼亦指大舞言之與
此干舞異也云旱麓以皇者賈疏云亦依舞師也教樂儀行以
肆夏趨以采薺車亦如之環拜以鍾鼓爲節教樂儀教王以樂
出入於大寢朝廷之儀故書趨作跋鄭司農云路當爲趨書亦
或爲趨肆夏采薺皆樂名或曰皆逸詩謂人君行步以肆夏爲
節趨疾於步則以采薺爲節若今時行禮於大學罷出以鼓陔

爲節環謂旋也拜直拜也玄謂行者謂於大寢之中趨謂於朝廷爾雅曰堂上謂之行門外謂之趨然則王出既服至堂而拜夏作出路門而采薺作其反八至應門路門亦如之此謂步迎賓客王如有車出之事登車於大寢西階之前反降於阼階之前尙書傳曰天子將出撞黃鍾之鍾右五鍾皆應入則撞蕤賓之鍾左五鍾皆應大師於是奏樂疏教樂儀者教作樂以節儀儀與樂必相應也依鄭注此爲王迎賓客法其王以他禮事出入大寢亦當放此云行以肆夏趨以采薺者薺釋文作齊云本又作薺案玉藻仲尼燕居並作齊玉藻注云齊當爲楚薺之薺此注無釋則經本作薺可知大馭經亦同可證淮南子齊俗訓漢書賈誼傳亦作齊顏注云字或作薺又作茨案大戴禮記保

傳篇亦作茨齊薺茨並聲近字通玉藻注楚薺卽毛詩小雅楚
茨篇也九夏別有齊夏與此異云車亦如之者卽大輿云凡馭
路行以肆夏趨以采薺是也云環拜以鍾鼓爲節者拜經例當
作擯詳前世婦疏此疑誤此亦奏樂以爲環拜之節也所奏之
樂未聞 注云教樂儀教王以樂出入於大寢朝廷之儀者大
寢卽路寢路寢之內廷爲燕朝其外又有治朝外朝王之出入
恒在於此燕寢之內無朝燕之禮出入不用樂故知教王以樂
出入於大寢朝廷之儀也依鄭此注則王在廟出入不用此法
故大司樂注謂大饗王出入奏王夏明不奏肆夏采薺也賈疏
乃謂此王行迎賓春夏受饗於廟及四時饗食在廟燕在寢皆
有迎法若然鄭此注據大寢而言則是燕時若饗食在廟則與

此大寢同此與大司樂注不合殊非鄭指又天子待來朝諸侯受朝受享皆無迎賓法賈謂春夏有迎賓亦非也詳齊僕大行人疏云故書趨作路鄭司農云路當爲趨書亦或爲趨者說文足部無路字言部該字注云讀若論語路予之足玉篇足部云踰倒也趨踰形近而譌玉藻亦云趨中采齊故司農破爲踰段玉裁云路陸云倉付反則知其字本爲踰六朝人往往書偏旁作多也從足從走古多通用徐養原云路踰皆說文所無惟走部有趨字云趨趙父也齊風巧趨踰兮釋文云趨本或作踰案段徐說未知孰是說文走部云趨走也重文無踰字趨與路義亦別東漢以後始誤用爲一字經典無是也竊謂故書自作路不妨爲經典所無之字漢書賈誼傳又作趨趨趨古亦通用云

肆夏采蘋皆樂名者大馭後鄭注云肆夏采蘋樂章也此先鄭
云樂名亦謂樂章名也肆夏爲九夏之一凡九夏皆樂章詳大
司樂鍾師疏云或曰皆逸詩者謂其體如風雅頌之詩而今逸
其篇也漢書禮樂志頌注引劉德說同案凡以器播其聲則曰
樂人所歌則曰詩二者皆有辭也詩之入樂者亦謂之樂章而
樂章之體不必盡如三詩故先鄭以逸詩爲別解鍾師杜注亦
以肆夏爲詩又引呂叔玉說以肆夏爲周頌時邁此云或曰逸
詩則先鄭不從呂說也云謂人君行步以肆夏爲節趨疾於步
則以采蘋爲節者釋名釋姿容云兩腳進曰行行抗也抗足而
前也疾行曰趨趨起也赴所期也故鄭云趨疾於步也云若今
時行禮於大學罷出以鼓鼗爲節者行禮於大學謂若天子養

廷謂治朝卽路寢門外應門內之廷故大駟注云行謂大駟至
路門趨謂路門至應門也玉藻注義亦同引爾雅曰堂上謂之
行門外謂之趨者釋宮文賈疏云證行是門內趨是門外之事
也案爾雅云室中謂之時堂上謂之行堂下謂之步門外謂之
趨中庭謂之走大路謂之奔但庭中走大路奔据助祭者而言
故詩云駸奔走在廟也今總言行者謂大駟之中不言堂下步
者人之行必出堂下始與行小異大同故略步而言其行也黃
以周云曲禮曰堂上接武堂下布武接武之謂行堂上之地較
室爲廣可舉足半蹠之布武之謂步堂下之地益廣可舉足徐
行之迹不相躡趨則行而張足又疾於步走則更加疾矣釋宮
門外趨中庭走走疾於趨爲庭遠於門也則所趨之門謂路寢

門非大門也云然則王出既服至堂而肆夏作出路門而采薺
作者既服謂釋燕服加禮服若大饗則服鷩冕其他各視其禮
之隆殺服之注司服所說是也王出至大寢之堂其行尚舒則
奏肆夏以節之出路門其行轉疾則奏采薺以節之也大戴禮
記保傳篇則作步中采薺趨中肆夏與此文迂賈子新書保傳
篇及漢書賈誼傳荀悅漢紀並同大戴禮盧注云爾雅曰堂上
謂之行門外謂之趨周禮及玉藻曰行以肆夏趨以采薺此云
步中采薺趨中肆夏又云行以采薺趨以肆夏則於大寢之內
奏采薺朝廷之中奏肆夏與周禮文誤也孔廣森云燕禮記曰
賓及廷奏肆夏郊特牲曰賓入大門而奏肆夏肆夏奏於門內
以爾雅證之不當言趨周禮文是也案盧孔亦並據釋官爲說

今攷采蘋之奏禮經無見文肆夏爲金奏則祭饗燕射皆用之大司樂云大祭祀尸出入則令奏肆夏孔子燕居云入門而金作郊特牲云賓人大門而奏肆夏凡大門皆在路門外此於釋宮當門外謂之趨也大射禮及燕禮記以樂納賓並云賓及庭奏肆夏此於釋宮當堂下謂之步也大射禮燕禮記堂上賓主行爵時亦奏肆夏此於釋宮當堂上謂之行也若然則肆夏之奏於行步趨走皆可比傳此經與大戴記無由決其孰是竊謂此奏樂節行唯視行之舒急本不必論何地釋宮所云亦止謂自內而出道彌廣則行可急耳至於行禮出入則或步以示舒或趨以昭敬固無定節況此經車行亦如步節乘車無枉堂上之理何以亦有行趨之異其不能執爾雅之文以惟其是非亦

明矣大馭說駟路之節亦與此及玉藻同大馭記文多舛駁不足校此也云其反入至應門路門亦如之者賈疏云反入至應門卽是路門外當奏采薺也入至路門卽是門內行以肆夏也但王有五門外仍有皋庫雉三門經不言樂節鄭亦不言故但據路門外面言若以義量之旣言趨以采薺卽門外謂之趨可總該五門之外皆於庭中遙奏采薺矣云此謂步迎賓客者以經云行趨對車爲文明專據步迎法與大馭駟路亦言行趨爲據乘車法異也云王如有車出之事登車於大寢西階之前反降於阼階之前者釋經車亦如之也路門內地陞則車行宜舒路門外地廣則車行差疾約與步行路門內行門外趨相倂故樂節亦同賈疏云樂曲禮云國君下卿位彼注云出過之而上

車入未至而下車彼謂諸侯禮與天子禮異不得升降於階前也金鷄云諸侯必下宗廟與卿位天子可知賈孔疏謂曲禮國君下卿位諸侯與天子禮異不得升降於階前此強爲之解耳孫希旦云燕朝治朝皆有卿位人君日視朝於治朝此卿位謂治朝之位也以考工記應門路門皆取節於車者觀之則人君之車皆於路門內登降信矣下卿位者蓋出則於路門外下車入則於雉門內下車過之而復登車與案金孫說皆足正賈孔兩疏之誤金氏又云車馳驅於道路之中並不奏樂而云車亦如之者以車之遲疾與人之行趨同亦宜與采芻肆夏相應非必車與樂相近而後可爲節也卽人之行趨習於樂既久亦不必聞樂而自能中節不然迎賓於大門之外去路寢庭二里有

周禮正義

禮四十四

十一

楚學子附本

五百四十八

餘豈復問其樂乎人不必依於樂而可以樂爲節車可知矣大
馭馭玉路以祀祀有在郊者不必皆在廟也又言凡馭路則五
路皆然五路之用豈必在宮中哉天子出入升降皆必由阼階
此一定之禮與挽鍾之左右義不相涉而鄭謂升車於西階前
降於阼階前誤矣案金謂馭路行趨不必在路門內外其說自
通但攷書顧命說大良陳四路在賓階阼階面及左右塾之前
此並在路門內也明王平日乘車必在路寢庭儻乘車不於路
門內則何爲於兩階兩塾陳路乎又士喪遷柩祖廟既夕禮云
薦車直東榮注謂象生時將行陳駕寢廟禮同明士生時陳駕
亦在正寢廷則王禮可知鄭謂王登車於大寢階前說自可信
但不必升降分就兩階以傳合樂節耳引尚書傳云天子將出

撞黃鍾之鍾右五鍾皆應人則撞蕤賓之鍾左五鍾皆應大師於是奏樂者儀禮經傳通解引尚書大傳云故天子左五鍾右五鍾天子將出則撞黃鍾右五鍾皆應馬鳴中律步者皆有容駕者皆有文御者皆有數然後大師奏登車告出也入則撞蕤賓左五鍾皆應在內者皆玉色在外者皆金聲然後少師奏登堂就席告入也又引鄭注云六律爲陽六呂爲陰凡律呂十二各一鍾天子宮懸黃鍾蕤賓在南北其餘則在東西黃鍾在陽陽氣動西五鍾在陰陰氣靜君將出故以動告靜靜者皆和也蕤賓在陰東五鍾在陽君入故以靜告動動者則亦皆和之也案大傳所云卽小胥賈疏所謂十二辰頭零鍾蓋奏以爲王出入之節雖亦四面懸而與賓祭宮縣之鍾不同鄭引之者證王

乘車出入大師少師奏樂之事也賈疏云以書傳云天子將出
撞黃鍾之鍾明出入升降皆在階前可知黃鍾在子是陽生之
月黃鍾又陽生之首陽主動出而撞之右五鍾謂林鍾至應鍾
蕤賓在午五月陰生之月陰主靜入亦是靜故撞蕤賓左五鍾
謂大呂至中呂大師於是奏樂者謂王有此出入之時則大師
於時奏此采蘋肆夏也凡射王以騶虞爲節諸侯以騶首爲節
大夫以采蘋爲節士以采芣爲節騶虞采蘋采芣皆樂章名在
國風召南唯騶首在樂記射義曰騶虞者樂官備也騶首者樂
會時也采蘋者樂循法也采芣者樂不失職也是故天子以備
官爲節諸侯以時會爲節卿大夫以循法爲節士以不失職爲
節鄭司農說以大射禮曰樂正命大師曰奏騶首閒若一大師

不興許諾樂正反位奏狸首以射狸首曾孫疏凡射者掌三射之樂節與射人爲官聯也云王以騶虞爲節諸侯以狸首爲節者大司樂云大射及射令奏騶虞然則王射節大司樂令奏諸侯以下射節蓋樂師令奏與鄉射禮云奏騶虞閒若一又記云歌騶虞若采蘋皆五終注云此天子之射節也而用之者方有樂賢之志取其宜也其他賓客鄉大夫則歌采蘋若然諸侯以下亦得奏騶虞惟節數則少耳又投壺亦奏狸首疑鄉大夫以下得通用之不必諸侯也云大夫以采蘋爲節者亦闕孤卿而言賈疏云凡此爲節之等者無問尊卑人皆四矢射節則不同故射人云天子九節諸侯七節大夫士五節尊卑皆以四節爲乘矢拾發其餘天子五節諸侯三節大夫士一節皆以爲先以

聽先聽未射之時作之使射者預聽知射之樂節以其射法須其體比於禮其節比於樂而中多者乃得預於祭故須預聽但優尊者故射前節多也 注云騶虞采蘋采芣皆樂章名在國風召南者樂章卽詩之章句入樂者也三詩皆在召南篇內采芣第二采蘋第四騶虞第十四也云唯狸首在樂記者樂記云散軍而郊射左射狸首右射騶虞而貫革之射息也案樂記止舉狸首篇名無其詩章鄭大射儀注亦以狸首出射義不云樂記然此注樂記與射義兩舉則又非字誤攷漢書藝文志河間獻王所獻樂記二十三篇今小戴記止存十一篇其逸十二篇中或有狸首之詩鄭詩周南召南譜云今無狸首周衰諸侯並僭而去之孔子錄詩不得也爲禮樂之記者從後存之遂不得

其次序疑狸首詩樂記射義兩有之故詩譜謂存禮樂之記射人注引樂記曰明乎其節之志不失其事則功成而德行立此正射義說曾孫詩之文而云樂記或亦樂記射義兩有此文之證乎引射義者證以四詩爲節之義鄭彼注云樂官備者謂騶虞曰壹發五犯喻得賢者多也于嗟乎騶虞豈仁人也樂會時者謂狸首曰小大莫處御于君所樂備法者謂采蘋曰于以采蘋南澗之濱循澗以采蘋喻備法度以成君事也樂不失職者謂采芣曰被之僮僮夙夜在公是其義也云鄭司農說以大射禮以下者賈疏云證大師用樂節之事閒若一者謂七節五節之間緩急稀稠如一彼諸侯禮故有樂正命大師此天子禮故樂師命大師也云狸首曾孫者射義云故詩曰曾孫侯氏四正

具舉大夫君子凡以庶士小大莫處御于君所以燕以射則燕則譽鄭彼注云此曾孫之詩諸侯之射節也又大射儀注云狸首逸詩曾孫也狸之言不來也其詩有射諸侯首不朝者之言因以名篇後世失之謂之曾孫曾孫者其章頭也射義所載詩曰曾孫侯氏是也以爲諸侯射節者采其既有弧矢之威又言小大莫處御於君所以燕以射則燕則譽有樂以時會君事之志也又史記封禪書云萇弘以方事周靈王諸侯莫朝周周力少萇弘乃明鬼神事設射狸首狸首諸侯之不來者依物怪欲以致諸侯案狸首本射節非萇弘所設史說不經與禮違惟狸首諸侯不來之義與鄭所說同徐養原云大戴投壺篇於曾孫侯氏八句下復有質參既設四句弓既平張十二句嗟爾不寧

侯五句語意相承其爲一詩無疑中間或雜以他語則錯簡也此非曾孫之全篇乎夫投壺本奏貍首而篇末特載曾孫之詩則曾孫之爲貍首明矣其名篇之義則大射注釋之已詳孔氏射義疏云篇中有貍首二字故以爲名此說非足篇中無貍首字故鄭取詩中之言釋名篇之義若本有此二字則其義已顯何庸復釋且當時亦不至失之而謂之曾孫矣詩固有不取篇中字爲名者小雅之巷伯大雅之雨無正頌之酌賚般是也何獨於貍首而疑之然詩第言諸侯不朝故抗而射之不言射其首也鄭以篇名貍首故以射言之皮侯之棲鵠猶獸侯畫頭有首象焉案徐說是也但嗟爾不寧侯五句卽梓人祭侯之辭與曾孫詩辭義殊異文似不相屬惟大射儀注有射諸侯不朝之

言今所見曾孫詩無此語而與祭侯辭則正相近孔廣森亦謂祭侯辭則貌首首章曾孫爲其次章若然鄭以曾孫爲章頭或是斷章取義疑未能明姑存以俟攷互詳梓人疏凡樂掌其事治其樂政序事次序用樂之事疏凡樂掌其序事者序經例當作敘石經及各本並誤凡樂官之事此官皆次序校治之小宰六敘云以敘作其事是也云治其樂政者政謂若正樂縣舞位及諸戒令皆是也 注云序事次序用樂之事者賈疏云謂陳列樂器及作之次第皆序之使不錯繆論議案樂器次序若琴瑟在堂上金石匏竹在堂下及宮縣四面設縣之次是也作樂次序若金奏升歌下管開歌合樂等所作之先後樂師皆序之也凡國之小事用樂者令奏鍾鼓小事小祭祀之事疏注云

小事小祭祀之事者據下文云饗食諸侯序其樂事令奏鍾鼓
令相如祭之儀則知自此以下至令相皆祭儀也春秋文二年
經大事于大廟公羊傳以爲大祫彼大祭祀謂之大事則此小
祭祀亦可謂之小事是相比例也賈疏云謂王玄冕所祭則天
地及宗廟皆有鍾鼓樂師令之若大次二者之樂大司樂令之
也此小祭有鍾鼓但無舞故舞師云小祭祀不興舞是也凡樂
成則告備成謂所奏一竟書曰蕭韶九成燕禮曰大師告于樂
正曰正歌備疏注云成謂所奏一竟者司書注云成猶畢也說
文音部云樂曲盡爲竟故云所奏一竟也引書曰蕭韶九成者
臯陶謨文僞孔本入益稷孔疏引鄭書注云成猶終也每曲一
終必變更奏引以證樂一竟爲成之義凡天子諸侯之樂以升

周禮正義

禮四十四

五百四十八

歌爲第一節下管爲第二節閒歌爲第三節合樂爲第四節每節皆三終大夫士之樂唯無下管而以笙入爲第二節餘三節並同天子諸侯又有金奏以迎尸送尸迎賓送賓謂之先樂明非樂之正也若興舞則大磬九終大夏大武皆六終書云九成卽九終也互詳大司樂疏又引燕禮曰大師告于樂正曰正歌備者鄭彼注云樂正於天子樂師也正歌者升歌及笙各三終閒歌三終合樂三終爲一備備亦成也賈疏云引燕禮者欲見彼諸侯燕禮大師告於樂正樂正告於賓與君此天子祭禮亦於樂成之時則大師告樂師樂師乃告王彼據燕禮此據祭禮事節相當故引爲證也詒讓案鄭引燕禮者證諸侯小樂正告備與天子樂師告備同也燕禮記云下管新宮笙入三成注云

三成謂三終也此以奏詩一終爲一成也樂記云武始而北出再成而滅商三成而南國是疆五成而分周公左召公右六成復綴以崇注云成猶奏也每奏武曲一終爲一成是奏曲一終爲一成也書九成義與彼同此經樂成則謂奏樂終畢歌管閒合衆節皆備爲成與書及禮記所謂成者義同而事異燕禮告備亦在升歌笙入閒歌合樂之後則凡樂無論幾成並衆節畢竟始一告備與此經正合賈疏謂一曲終爲一成則樂師告備如是者六則六成餘八變九變亦然是謂三成者樂師當三告備六成者當六告備八變九變者當八告備九告備與禮經不合其說非也詔來瞽臯舞鄭司農云瞽當爲鼓臯當爲告呼擊鼓者又告當舞者持鼓與舞俱來也鼓字或作瞽詔來瞽或曰

周禮正義

禮四十四

十七 楚學子耻本

五百四十八

來勅也勅爾瞽率爾眾工奏爾悲誦肅肅雍雍母怠毋凶立謂
詔來瞽詔視矐扶瞽者來入也臬之言號告國子當舞者舞疏
注鄭司農云瞽當爲鼓臬當爲告者阮元云說文本部臬氣臬
自之進也從本從自禮記曰臬登歌曰奉故臬奉皆從本周禮
曰詔來鼓臬舞臬告之也按先鄭以瞽爲鼓與許同詒讓案瞽
從鼓得聲故先鄭以瞽爲鼓許君從之臬告亦聲近惟說文以
告訓臬不破字先鄭讀臬爲告則以告破臬與許異云呼擊鼓
者又告當舞者持鼓與舞俱來也者鼓以節舞詩大雅賓之初
筵云籥舞笙鼓毛傳云秉籥而舞與笙鼓相應是舞當與鼓相
應故詔告樂工持鼓又告舞人使同時俱來云鼓字或作瞽詔
來瞽或曰來勅也者此先鄭又從別說不破瞽爲鼓而釋其義

也說文力部云勑勞也爾雅釋詁云勞來強事謂勑其勤也彼
釋文云來本又作勑是來勑字通故先鄭引或說以勑訓來也
俗書勑字或亦作勑與此音義皆別詳大宰疏云勑爾督率爾
眾工奏爾悲誦肅肅雍雍毋怠毋四者證勑督義亦通也誦頌
之借字大戴禮記保傅篇云宴樂雅頌逆樂序亦以誦爲頌是
其證悲誦謂歌頌聲辭悲切也賈疏云似逸詩不知何從而出
故後鄭不從之惠士奇云凶者凶聲怠者慢聲大司樂之所禁
也肅肅則敬故聲無怠雍雍則和故聲無凶蓋逸詩也云玄謂
詔來督詔視厥職扶督者來入也者段玉裁云司農易督爲鼓又
從別說來督爲勑督者鄭君則從書作督而詔來訓爲詔視厥
職扶督者來入與大鄭異賈疏云按大祝云來督令嘒舞注云來

嗶者皆謂呼之入彼來爲呼之者以彼來上無字故以來爲呼之義與此無異也云嗶之言號告國子當舞者舞者後鄭不破皋爲告而謂皋與號字通義亦爲告與先鄭訓同而讀異惠棟云說文周禮口詔來鼓皋舞皋告之也戰國策曰商君告歸東觀漢記田邑傳云邑年三十歷卿大夫號歸號歸卽告歸也皋讀爲告告讀爲號皋告同音故大祝注云皋讀爲卒嗶呼之嗶漢書紀云高祖嘗告歸之田服虔云告音如嗶呼之嗶是告又讀爲嗶然則皋告嗶三字同物同音故二鄭所讀亦無兩義阮元云後鄭如字讀皋爲呼號卽告義也與許同及徹師學士而歌徹學士國子也鄭司農云謂將徹之時自有樂故帥學士而歌徹立謂徹者欲雍雍在周頌臣工之什

疏

及徹帥學士而歌

徹者賈疏云此亦文承祭祀之下亦謂祭未至徹祭器之時樂師帥學士而歌徹但學士主舞瞽人主歌今云帥學士而歌徹者此絕讀之然後合義歌徹之時歌舞俱有謂帥學士使之舞歌者自是瞽人歌雍詩也徹者主宰君婦耳曾釗云學士非專爲舞而不歌下大胥職云秋頒學合聲聲卽歌也其合之者正預習之以待祭祀耳案曾謂學士不專爲舞是也竊謂歌詩雖是瞽職專職當徹之時蓋小師帥瞽矇樂師帥學士咸相和而歌二官爲聯事也若如賈說則經歌字與帥學士不相冢於文不順其誤明矣又案儀禮經傳通解引尚書大傳說養老之禮云胥與就膳徹注云胥樂官也就成也胥成膳徹謂以樂食之也是饗食歌徹大小胥亦與其事經唯云帥學士者以胥卽樂

師之屬文不具也又案歌雍亦在堂上與升歌同故論語入佾集解引包咸云作之於堂其舞則在堂下與歌不同處也 注

云學士國子也者卽上文及師氏大師樂之國子也大晉先鄭注云學士謂卿大夫諸子學舞者互詳彼疏鄭司農云謂將徹之時自有樂故師學士而歌徹者據內宗外宗祭祀並云以樂徹明將徹時自有節禮之樂與祭時樂神侑尸之樂不同故經特云歌徹但先鄭不言雍詩故後鄭補之云玄謂徹者歌雍者論語入佾篇云三家者以雍徹子曰相維辟公天子穆穆奚取於三家之堂集解引馬融云雍周頌臣工篇名也天子祭於宗廟歌之以徹祭今三家亦作此樂皇疏云禮天子祭竟欲徹祭饌則使樂人先歌雍詩以樂神饗乃徹祭器是也云雍在周頌

臣工之什者毛詩序云歸師大祖也雍卽離之隸變鄭詩周頌
譜云周頌其作在周公攝政成王卽位之初則周公制禮時已
有雍詩故得歌之也令相令視矚扶工卽司農云告當相督師
者言當罷也督師育者皆有相道之者故師冕見及階曰階也
及席曰席也皆坐曰某在斯某在斯曰相師之道與疏令相者
此亦冢上詔來督爲文謂令相督也以下文校之此亦謂祭儀
鄉射禮云樂正適西方命弟子贊工遷樂于下弟子相工如初
入彼樂正當此樂師則射禮亦有令相之事此文不具也注
云令視矚扶工者視矚云凡樂事相督注云相謂扶工故知此
令相卽令視矚也鄭司農云告當相督師者言當罷也者督師
卽督矚也先鄭意此文承上旣徹則樂當罷故告相督者使知

之也今審校文義容祭初工入時亦當令相不徒歌徹後節似亦不從此義故引之在後也云瞽師育者皆有相道之者者爾雅釋詁云相道也瞽育無日行處有失誤蹶跌故使明日者相道之而行云故師冕見及階曰階也及席曰席也皆坐曰某在斯某在斯曰相師之道與者約論語衛靈公篇文證瞽當有相也饗食諸侯序其樂事令奏鍾鼓令相如祭之儀疏饗食諸侯序其樂事者序亦當作敘石經及各本並誤此卽掌客云上公三饗三食三燕之等皆用樂也大司樂大饗亦奏九夏又仲尼燕居說大饗樂云入門而縣興升堂而樂闕下管象武夏而序興客出以雍徹以振羽注云縣興金作也象舞武舞也夏篇文舞也振羽振鷺及雍此饗樂之序見於經者彼記當從孔廣森

金鶚訪下管象句武夏箛序興句象爲下管樂曲武夏箛謂大
武大夏二舞序興與此序其樂事義同鄭讀及彼注義並誤又
郊特牲云饗禘有樂而食嘗無樂陰陽之義也孫希旦云鍾師
凡饗食奏燕樂箛師賓客饗食鼓羽箛之舞是天子食禮有樂
公食大夫禮不用樂食嘗無樂蓋諸侯之禮異於天子者與案
孫說是也郊特牲孔疏引熊安生以食嘗無樂爲殷禮非是又
燕禮樂食皆小樂正治之則樂師當亦兼序燕諸侯之樂事經
唯云饗食者以燕輕於饗食又下文有燕射帥舞之文足以互
明故不具也云如祭之儀者左襄十年傳云魯有禘樂賓祭用
之是大饗食與大祭祀同樂故其序事令奏等並同賈疏云非
直序樂令鍾鼓令相其中詔來瞽歌徹等皆如之但祭祀歌雍

而徹饗食徹器亦歌雍知者下大師與此文皆云大饗亦如祭
祀登歌下管故知皆同也燕射帥射夫以弓矢舞射夫眾耦也
故書燕爲舞帥爲率射夫爲射矢鄭司農云舞當爲燕率當爲
帥射矢書亦或爲射夫疏燕射者王與諸侯諸臣因燕而射梓
人注云燕謂勞使臣若與羣臣飲酒而射是也燕禮記云燕朝
服于寢注云燕於路寢則燕射當同故賈鄉射疏亦謂燕射在
寢詳梓人疏云帥射夫以弓矢舞者燕禮云若射則如鄉射之
禮故此亦與鄉射興舞同詳鄉大夫疏注云射夫眾耦也者
詩小雅賓之初筵云射夫既同箋云射夫眾射者也大戴禮記
投壺篇引詩云射夫命射彼命射嘗爲司射蓋眾耦與司射通
得此稱矣賈疏云凡射有三番又天子六耦畿內諸侯四耦畿

外諸侯三耦前番直六耦三耦等射所以誘射故也第二番六耦與眾耦俱射第三番又兼作樂經直云射夫鄭知眾耦者以其三番射皆弓矢舞若言六耦等不兼眾耦若言眾耦則兼三耦故鄭據眾耦而言也案鄭大司樂注釋弓矢舞爲執弓挾矢揖讓進退之儀故賈謂三番射皆有舞王引之謂舞當爲樂舞在歌樂之時則唯第三番以樂射乃有舞二說不同王說爲長詳大司樂疏云故書燕爲舞帥爲率射夫爲射矢鄭司農云舞當爲燕率當爲帥射矢書亦或爲射夫者段玉裁云燕誤舞夫誤矢皆字之誤也率與帥則今人混用而漢人分別帥領之義必用從巾自聲字也是以司農以漢時字例正之二字古音本同毛詩率時農夫韓詩作帥時農夫周禮帥都建旗說文於部

引作率都建旗聘禮注曰古文帥皆作率徐養原云說文率部率捕鳥畢也又巾部帥佩巾也或从兌作說此二字各有本義又廷部達先道也此達領正字行部銜將銜也此將銜正字借率爲達爲銜從省也又因率而借帥取音同也詒讓案故書燕射作舞射射夫作射矢則文義不明帥領字本職前後數見此故書獨作率於字例亦歧互故二部並不從樂出入令奏鍾鼓樂出入謂笙歌舞者及其器疏注云樂出入謂笙歌舞者及其器者謂若笙入籥入之等笙歌舞謂樂人也凡樂自金石諸縣外人與器皆臨作時始入樂成則出亦奏鍾鼓以爲之節也凡軍大獻敎愷歌遂倡之故書倡爲昌司農云樂師主倡也昌當爲倡書亦或爲倡疏凡軍大獻敎愷歌遂倡之者大司樂云

王師大獻則令奏愷樂大司馬注引司馬法曰得意則愷樂愷
歌不喜也是愷歌卽作愷樂時所歌賈疏云軍事言凡者有大
軍旅王自行小軍旅遣臣去故言凡以該之大獻者謂師克勝
獻捷於祖廟也教愷歌者愷謂愷詩師還未至之時預教瞽矇
入祖廟遂使樂師倡道爲之 注云故書倡爲昌者徐養原云
說文人部倡樂也从人昌聲古蓋借用昌字今文加人段玉裁
云倡唱古今字鄭司農云樂師主倡也者樂記一倡而三嘆注
云倡發歌句也說文口部云唱導也此愷歌蓋亦以琴瑟歌詩
若升歌閒歌諸節皆樂師先發以爲導而後眾工和之云昌當
爲倡書亦或爲倡者先鄭以作昌無義故從或本作倡也凡喪
陳樂器則帥樂官帥樂官往陳之疏凡喪陳樂器者賈疏云王

家有大喪小喪皆有明器之樂器故亦言凡以該之詒讓案陳樂器卽大司樂所云厥樂器也庶陳義同 注云帥樂官往陳之者猶大師云帥瞽而厥也彼大師止帥瞽矇以下此樂師爲眾樂官之長所帥者多故云帥樂官也賈疏云樂官亦謂笙師鍾師之屬厥樂藏之者也往陳之者謂如既夕禮陳器於祖廟之前庭及壙道東西者也及序哭亦如之哭此樂器亦帥之疏及序哭亦如之者序亦當爲敘九賓外宗經可證石經及各本並誤 注云哭此樂器亦帥之者賈疏云按小宗伯云及執事祗葬獻器注云至將葬獻明器之材又獻素獻成皆於殯門外王不親哭有官代之彼據未葬獻材時小宗伯哭之此序哭明器之樂器又承陳樂器之下而云序哭謂使人持此樂器向壙

及入壙之時序哭之也凡樂官掌其政令聽其治訟疏凡樂官掌其政令者政卽上文樂政令謂戒令也云聽其治訟者治謂陳請訟謂爭訟詳小宰政賈疏云此以下大胥至司干皆無聽訟之事則皆樂師聽之耳大胥掌學士之版以待致諸子鄭司農云學士謂卿大夫諸子學舞者版籍也今時鄉戶籍世謂之戶版大胥王此籍以待當召聚學舞者卿大夫之諸子則案此籍以召之漢大樂律曰卑者之子不得舞宗廟之酌除更二千石到六百石及關內侯到五大夫子先取適子高七尺已上年十二到年三十顏色和順身體脩治者以爲舞人與古用卿大夫子同義疏注鄭司農云學士謂卿大夫諸子學舞者者賈疏云按夏官諸子職云掌國子之倅則國中兼有元士之適子不

言者以其漢法卑者之子不得舞宗廟之酌則元士之子不入
故知卿大夫之諸子也知學舞者下云入學合舞故知也詒讓
案經云學士卽諸子之在學者亦卽師氏大司樂諸子之國子
皆通卿大夫士之適庶子言之先鄭此注不云士者文偶不具
耳賈謂元士之子不入又謂此諸子皆適子並非也周天子之
元士三命與漢除吏六百石五大夫尊卑亦約略相近未可以
卑者概之矣又文子世子云凡學世子及學士必時注云學士
謂司徒論俊選所升於學者則俊選亦爲學士不徒國子也云
版籍也今時鄉戶籍世謂之戶版者宮伯注義同云大胥主此
籍以待當召聚學舞者卿大夫之諸子則案此籍以召之者大
司馬先鄭注云致謂聚眾也謂卿大夫之子凡學舞者其名籍

皆書於大胥之版籍及當學舞時則大胥案此名籍召而聚之
學也引漢大樂律曰卑者之子不得舞宗廟之酌者大樂律漢
律篇名續漢書百官志劉注載盧植禮記注引大樂律與此文
並同又續漢禮儀志注云酌金律文帝所加以正月日作酒入
月成名酌酒因合諸侯助祭貢金云除吏二千石到六百石及
關內侯到五大夫子先取適子高七尺已上年十二到年二十
顏色和順身體脩治以爲舞人與古用卿大夫子同義者已上
釋文作以上是也今本並誤十二舊本依疏改二十今從宋婺
州本舊注疏本賈疏云前漢紀注云漢承秦爵二十等五大夫
九等爵關內侯十九爵列侯二十爵宗廟舞人用貴人子弟與
周同故先鄭引以爲證也既云取七尺以上而云十二到三十

周禮正義

禮四十四

三十五 楚辭十社本

五百四十九

則十二者誤當云二十至三十何者按鄉大夫職云國中自七尺以及六十野自六尺以及六十有五皆征之按韓詩二十從役與國中七尺同是七尺爲二十矣明不得爲十二也惠棟云續漢志補注引盧植禮注所載大樂律七尺作五尺鄭注論語云六尺謂年十五以上則五尺爲十二審矣賈疏失之案惠說亦通但漢制似依放周國子二十學大舞之法則究當如賈疏十二作二十爲是續漢志注引漢律七尺作五尺或亦傳寫之誤恐未足據以糾賈也春入學舍采合舞春始以學士入學宮而學之合舞等其進退使應節奏鄭司農云舍采謂舞者皆持芬香之采或曰古者士見於君以雉爲摯見於師以菜爲摯菜直謂蔬食菜羹之菜或曰學者皆人君卿大夫之子衣服采飾

舍采者減損解釋盛服以下其師也月令仲春之月上丁命樂正習舞釋采仲丁又命樂止入學習樂玄謂舍卽釋也采讀爲菜始入學必釋菜禮先師也菜蘋蘩之屬疏注云春始以學士入學宮而學之者諸子注云學大學也大戴禮記夏小正傳義同案經凡單言學者並指大學而言天子大學五其成均上庠東序瞽宗並爲教國子之學惟中學辟雍爲王饗射之學非學士所居詳大司樂諸子疏賈疏云歲初貴始云學宮者則文王世子云春誦夏弦皆於東序是也云合舞等其進退使應節奏賈疏云謂等其舞者或進或退周旋使應入音合樂之節奏也鄭司農云舍采謂舞者皆持芬香之采者段玉裁云皆持芬香之采采當作菜采菜古通用案段校是也楚辭九章禮魂云

傳芭兮代舞王注云芭巫所持之香草名也言祠祀作樂而歌巫持芭而舞是古時舞有持香草者然文王世子立學釋菜不舞則舍采非卽舞可知故後鄭不從云或曰古者士見於君以雉爲摯見於師以菜爲摯者此別說亦與學記祭菜之文不合左莊二十四年傳御孫曰男贄大者玉帛小者禽鳥以章物也則男贄無用菜之文故後鄭亦不從云菜直謂蔬食菜羹之菜者此釋上二說並讀采爲菜也蔬食菜羹論語鄉黨篇文云或曰學者皆人君卿大夫之子衣服采飾舍采者減損解釋盛服以下其師也者此又一說讀采如字士冠禮云將冠者采衣紉注云采衣未冠者所服引玉藻曰童子之飾也緇布衣錦緣錦紳并組錦束髮皆朱錦也又禮記云麻不加於采注云采玄纁

之衣喪大記云不列采不入注云列采正服之色是采有兩義
一爲童子采飾之服一爲玄纁正色之服此注云下其師則所
舍者當爲玄纁正色之服也此說與學記祭菜之文亦不合又
夏小正傳有大舍采若爲釋采服則不當云大於義不通故後
鄭亦不從其釋菜之義先鄭二說並不及後鄭之善此外異說
復有二家玉燭寶典引蔡氏月令章句云釋者置也菜者鬯也
鬱金香草釀以秬黍是謂秬鬯所以禮先聖師也又呂氏春秋
仲春紀云上下命樂正入舞舍采高注云舍猶置也初入學宮
必禮先師置采帛於前以贊神也此二說與先後鄭諸說又異
依蔡說則釋菜卽裸鬯夏小正云正月初歲祭采始用鬯也鬯
卽鬯之借字蔡蓋隱據彼文然祭先聖先師用裸於古籍無徵

周禮正義

禮四十四

三

五十四十九

依高說則釋菜卽釋幣黃以周云文王世子既舞器用幣然後
釋菜釋幣釋菜明爲二禮案黃說是也引月令仲春之月上丁
命樂正習舞釋采仲丁又命樂正入學習樂者證入學合舞之
事也采月令作菜鄭彼注云樂正樂官之長也命習舞者順萬
物始出地故舞也將舞必釋菜於先師以禮之又注仲丁習樂
云爲季春將合樂也習樂者習歌與人音此引以證舍采合舞
卽彼上丁釋菜習舞之事也案月令春習舞有二孟春云命樂
正入學習舞注云爲仲春將釋菜是仲春釋菜之先已有習舞
先鄭不引之者以孟春無釋菜仲春習舞禮尤盛故有釋菜明
此經春入學舍采合舞卽指仲春大習言之孟春初習禮略故
經不具大戴禮記保傳盧注云仲春舍菜合舞卽本先鄭義也

至仲春仲丁習樂自爲習歌與八音彼季春又云是月擇吉日
大合樂天子乃帥三公九卿諸侯大夫親往視之彼大合樂之
中雖兼有合舞然仲春習樂自與習舞爲二事後鄭月令注所
說甚明於此經義本無當先鄭牽連引之耳孔疏亦云此仲春
又云習舞釋菜皆以陽氣動故此仲春習舞則大胥春人學舍
采合舞一也據人所學謂之習舞節奏齊同謂之合舞此亦謂
之大合樂故文王世子云凡大合樂注春舍菜合舞秋頒學合
聲孟春習之至仲春習而合之自是春秋常所合樂也非爲季
春而習舞也故大胥春合舞秋合聲自是春秋之常事也案孔
說甚析月令習舞云樂正卽大司樂此經大胥掌合舞者以大
司樂爲樂官之長自當從其事實則大胥所專掌也云云謂舍

卽釋也者據月令文王世子爲說也占夢注云舍讀爲釋古書釋采釋奠多作舍字又旬祝舍奠大史舍筭注義並同說文手部云舍釋也古書捨字亦多作舍舍捨釋聲義並通云采讀爲榮者亦據月令文王世子以采爲榮之借字與先鄭前二說義異而讀同云始入學必釋采禮先師也者賈疏云按文王世子云始立學釋采不舞不投器舍卽釋也采卽采也故以爲學子始入學釋采禮先師也但學子始入學釋采禮輕故不及先聖也其先師者鄭注文王世子云若漢禮有高堂生樂有制氏詩有毛公書有伏生詒讓案夏小正云二月丁亥萬用人學傳云萬也者干戚舞也入學也者大學也謂今時大舍采也學記云大學始教皮弁祭菜示敬道也注云祭菜禮先聖先師孔疏引

皇侃云始教謂春時學士始入學也是並春時始入學禮先師之事與此經同又文王世子云始立學者既興器用幣然後釋菜不舞不授器鄭注云釋菜告先聖先師以器成有財將用也不舞不授器釋菜禮也釋奠則舞舞則授器此別爲始立學時之釋菜行於釋奠釋幣之後與此春入學釋菜異依鄭彼注彼釋菜禮輕不舞不授器此釋菜合舞者月令孔疏謂將欲習舞必先釋菜釋菜之時不爲舞大胥舍菜合舞知釋菜在合舞之前文王世子疏說同黃以周云月令孟春入學習舞爲仲春釋菜有舞故先習之也鄭注云爲仲春將釋菜明釋菜本有舞也月令習舞釋菜大胥舍菜合舞皆屬並舉之辭無分先後文王世子曁器釋菜不舞明器禮較殺也釋菜本有舞故別言之

如無舞亦不煩更言矣大胥春入學舍菜合舞卽仲春之習舞
釋菜鄭文王世子注釋菜禮輕釋奠則舞明釋菜之禮較輕於
釋奠釋菜有舞有不舞不舞之釋菜較釋奠更輕故於此明其
例孔疏誤會鄭意遂謂釋菜本無舞失之矣案黃說是也夏小
正傳說大舍采亦有干戚舞蓋釋菜禮自有大小小者不舞不
投器大者有舞則投器故夏正特著大以示別異凡禮經有釋
菜又有釋幣釋奠三者不同王制孔疏謂釋菜惟釋蘋藻而已
無牲牢無幣帛是也凡釋菜唯用菜而無牲幣蓋與士昏禮婦
奠笄菜於舅姑之禮略同學記云祭菜則不設薦饌是與釋奠
之禮異文王世子說始立學旣用幣然後釋菜孔疏引熊安生
云用幣則無菜用菜則無幣是與釋幣之禮亦異而無迎尸以

下之事則又與釋奠釋幣同也禮先師者鄭文王世子注以爲
卽大司樂祭於瞽宗之樂祖是也文王世子云凡始立學者必
釋奠於先聖先師又云天子視學祭先師先聖彼經皆以先師
與先聖並舉又始立學釋菜注亦皆云告先聖先師世子又云
凡學春官釋奠於其先師秋冬亦如之則唯舉先師不及先聖
故孔疏及熊安生說綜合釋之文多淆舛大意謂始立學及器
新成並重於四時釋奠天子視學亦重於學士春入學故皆兼
及先聖先師其四時官釋奠及學士春入學則唯及先師不及
先聖又謂學記皮弁祭菜卽天子視學故注兼及先聖月令釋
菜爲學士入學故注不及先聖學記疏又引此注云釋菜禮先
師證春始入學不祭先聖賈疏說蓋同熊孔義今攷此經舍采

合舞卽大合樂雖爲學士入學而天子亦親視學故鄭文王世子注及保傅廬注並謂此春合舞秋合聲時皆天子視學而養老而文王世子天子視學祭先師先聖下又云登歌清廟下管象舞大武大合眾以事注云眾謂所合學士也是卽大合樂之事也月令仲春習舞釋菜之下亦云天子親往視之是文王世子月令學記之視學與此經舍采合舞皆一時事文王世子天子視學亦兼及先聖先師則此注及月令注不云先聖者自是文偶不備而熊賈孔並謂學子始入學釋菜禮輕故不及先聖則與文王世子經注並不合要之此經釋菜合舞卽夏小正之入學亦卽文王世子之天子視學旣同在一時卽不分二禮熊賈孔諸家並因注文不備強生分別非鄭義也云菜蘋蘩之屬

者說文艸部云菜艸之可食者小爾雅廣物云菜謂之蔬左桓
三年傳云蘋蘩蕒藻之菜又鄭學記注云菜謂芹藻之屬蓋菜
類甚多隨所有而祭之故云蘋蘩之屬秋頒學合聲春使之學
秋頒其才藝所爲合聲亦等其曲折使應節奏疏秋頒學合聲
者合聲卽合樂之聲音也月令大合樂在季春而秋無其事惟
季秋上命樂正入學習吹注云爲將賢帝也春夏重舞秋冬重
吹也孔疏疑卽此合聲之事大戴禮記保傅盧注則云仲秋班
學合聲蓋以對仲春合舞推之其說較孔爲長又文王世子孔
疏引熊氏云秋頒學合聲無釋菜之文則不釋菜也注云春
使之學秋頒其才藝所爲者賈疏云春物生之時學子入學秋
物成之時頒分也分其才藝高下云合聲亦等其曲折使應節

周禮正義 禮四十四

五百四十八

奏者賈疏云但舞與聲遞科合故鄭云合聲亦等其曲折使應節奏也以六樂之會正舞位大同六樂之節奏正其位使相應也言爲大合樂習之疏以六樂之會正舞位者與諸子爲官聯也彼注云位份處也凡舞天子八份詳諸子疏春秋繁露二代改制賈文篇云主天法商而王儻溢員主地法夏而王儻溢方主天法質而王儻溢節主地法文而王儻溢衡以董子說推之則周儻份其當衡與賈疏云六樂者卽六代之樂六舞雲門之等是也注云大同六樂之節奏正其位使相應也者莊子養生主篇庖丁爲文惠君解牛奏刀騞然莫不中音合於桑林之舞乃中經首之會陸氏釋文引向秀司馬彪云經首咸池樂章也是舞與樂章相應謂之會也賈疏云大同者解經中會會合

三楚學社本

舞釋菜天子親往視之季春云大合樂天子親往視之至仲春
合聲雖不云天子親往視之視之可知若然二者天子親往視
之同則皆有養老之事則春合舞秋合聲皆得爲大合樂文王
世子以大合樂爲合舞合聲解之也案以鄭文王世子注義推
之上文春合舞秋合聲通爲大合樂此正舞位謂凡有大合樂
之時則大胥與學士豫習之非專指月令季春之大合樂也月
令仲春習舞不云合聲雖有天子親往之事賈說亦近拘以序
出入舞者以長幼次之使出入不紕錯疏以序出入舞者序
經例當作敘石經及各本並誤 注云以長幼次之使出入不
紕錯者大傳注云紕繆錯也賈疏云凡在學皆以長幼爲齒令
爲舞者入八六十四人所須爲舞之處皆當以長幼出入若使

幼者在前則爲糺錯故云使出入不紕錯也比樂官比猶校也
杜子春云次比樂官也鄭大夫讀比爲庀庀具也錄具樂官疏
注云比猶校也者國語齊語云比校民之有道者韋注云比謂
比方也校考合也案凡考校必比方之而後差等見故引申之
考校亦得爲比此比樂官卽謂考校樂官之優劣也小胥野廬
氏注並同杜子春云次比樂官也者世婦注云比次也謂次比
樂官之職序與後鄭義小異云鄭大夫讀比爲庀庀具也者遂
爾先鄭注義同釋文出爲庀二字疑傳寫之誤云錄具樂官者
樂官員數眾多恐有闕攝及不在故錄具之使之齊備然作比
字於義得通不煩改讀故後鄭不從展樂器展謂陳數之疏展
樂器者月令仲夏云命樂師脩鞀鞀鼓均琴瑟管簫執干戚戈

羽調竿笙箎黃飭鍾磬祝敔彼樂師爲大胥之長歲一脩樂器
此官則隨時展校之使無窳闕也 注云展謂陳數之者左成
十年傳展車馬杜注云展陳也凡祭祀之用樂者以鼓徵學士
擊鼓以召之文王世子曰大斯鼓徵所以警眾疏凡祭祀之用
樂者以鼓徵學士者賈疏云凡天地宗廟之祀用樂舞之處以
鼓召學士選之當舞者往舞焉舞師云小祭祀不興舞注云小
祭祀王立冕所祭則亦不徵學士也 注云擊鼓以召之者爾
雅釋言云徵召也必擊鼓者欲其皆聞之引文王世子者證以
鼓徵學士之事鄭彼注云早昧爽擊鼓以召眾也警猶起也案
彼爲天子視學警眾之事學記云入學鼓篋孔疏謂亦大胥擊
鼓召之是也與此祭祀用樂徵召事異而以鼓警眾則同序官

中之事疏序官中之事者序亦當作敘官中謂學宮中也凡學
官中教樂之事大胥重序次而正治之卽樂師注云次序用樂
之事是也

小胥掌學士之徵令而比之鬴其不敬者比猶校也不敬謂慢
期不時至也鬴疏謂爵也詩云兕觥其觶疏掌學士之徵令而比
之者賈疏云大胥掌學士之版以待召聚舞者小胥贊大胥爲
徵令校比之知其在不云鬴其不敬者者釋文云鬴本或作觥
案觥卽鬴之俗詳闕胥疏 注云比猶校也者大胥注同云不
敬謂慢期不時至也者學樂作樂皆有定期若文王世子徵學
士以大新詩鄉風簡兮毛傳云教國子弟以日中爲期是也及
期而怠慢不至是爲不敬疏云鬴疏謂爵也者飲失禮者之罰爵也

亦詳問有疏引詩云兒熊其狀者小雅桑扈周頌絲衣兩篇又
今詩熊並作熊鄭箋云兒熊罰爵也古之王者與羣臣燕飲
上下無失禮者其罰爵徒然陳設而已引之者證此熊亦以
兕角爲之巡舞列而撻其怠慢者撻猶撻也扶以刑扑國通舞
列而扑其怠慢者者此樂官之官刑也書舜典云扑作教刑又
皋陶謨云撻以記之是也舞列舞者陳列爲行綴白虎通義
禮樂篇云天子入侍侍者列也樂記云其治民勞者其舞行綴
違其治民逸者其舞行綴短既陳舞列小胥則行視糾言之
注云撻猶扶也者閭胥注云撻扑也廣雅釋詁云扶撻擊也說
文手部云扶笞擊也云撻以荆扑者左文十人年傅陽擊以扑
扶闕職杜注云扑筆也鄉射記云楚扑長如臂刊木尺學記云

夏楚二物收其威也注云夏栢也楚荆也二者所以扑撻犯禮者案以荆長三尺爲箠以扑人因謂荆箠爲荆扑呂氏春秋直諫篇說保申束細荆五十以笞荆文王是也互詳司市疏正樂縣之位王宮縣諸侯軒縣卿大夫判縣士特縣辨其聲樂縣謂鍾磬之屬縣於筍虡者鄭司農云宮縣四面縣軒縣去其一面判縣又去其一面特縣又去其一面四面象宮室四面有牆故謂之宮縣軒縣三面其形曲故春秋傳曰請曲縣繁纓以朝諸侯之禮也故曰唯器與名不可以假人立謂軒縣去南面辟王也判縣左右之合又空北面特縣縣於東方或於階間而已疏正樂縣之位者此辨天子諸侯卿大夫士樂縣差次之異亦樂官之官法也凡鍾磬鼓鼗等無論特縣編縣皆在堂下堂上不

得有縣大司樂疏引鄭書注釋鳴球云磬縣也而以合堂上之樂玉磬和尊之也是鄭謂凡縣皆在堂下玉磬雖尊亦然皋陶謨僞孔傳謂玉磬在廟堂孔疏又謂堂上有歌鍾歌磬並誤云鄭大夫判縣士特縣者釋文特作植云本亦作特案玉篇牛部云特植同曲禮孔疏引熊氏云案春秋說題辭樂無大夫士制鄭玄箴管有從題辭之義大夫士無樂小胥大夫判縣士特縣者小胥所云娛身之樂及治人之樂則有之也故鄉飲酒有工歌之樂是也說題辭云無樂者謂無祭祀之樂故特牲少牢無樂案此經大夫士有樂縣左隱五年傳說舞佾大夫匹士二是又有樂舞春秋緯義與此及左傳義違鄭箴管有從之未詳其說熊孔以爲大夫士有娛身治民之樂無祭祀之樂以調停其

說祭祀重於娛身治民乃反無樂於義未安少牢特性無樂者
經文自不具耳非大夫士祭祀無樂也曲禮云大夫無故不徹
縣士無故不徹琴瑟孔疏以爲是不命之士若命士則特縣則
此經士特縣謂命士也賈子新書審微篇云禮天子之樂宮縣
諸侯之樂軒縣大夫直縣士有琴瑟彼直縣疑對曲縣言之卽
此經之判縣然謂士止有琴瑟則是無縣公羊隱五年何注又
引魯詩傳云天子食日舉樂諸侯不釋縣大夫食日琴瑟白虎
通義禮樂篇亦云詩傳曰大夫士琴瑟御大夫士北面之臣非
專事子民故但琴瑟而已是又謂縣止於諸侯自大夫以下並
無縣二說不同而皆與此經不合蓋所聞之異也云辨其聲者
既縣又察其聲協律與不也 注云樂縣謂鍾磬之屬縣於荀

虞者者筍賈疏述注作筍筍字同虞釋文作簾葉鈔本釋文
又作簾並虞之俗典庸器梓人經注並作筍虞陸賈本非賈疏
云凡縣者通有鼓鐃亦縣之節直云鍾磬者據下成文而言鄭
司農云宮縣四面縣者謂兩階間北方南面一縣阼階東西面
一縣西階西東面一縣庭中南方北面一縣凡四縣也又尙書
大傳說天子有十二零鍾亦四面縣然與常縣不同詳樂師疏
云軒縣去其一面者以宮縣四面去南方一面存東西北三面
也云判縣又去其一面者以軒縣又去北方一面唯存東西二
面也云特縣又去其一面者以判縣又去其西方一面唯存東
方一面也方言云物無耦曰特爾雅釋水云土特舟公羊宣十
二年徐疏引李巡云一舟曰特舟故一縣亦謂之特縣也云四

面象宮室四面有牆故謂之宮縣者喪大記云君爲廬宮之注云宮謂圍障之也爾雅釋山云大山宮小山霍郭注云宮謂圍繞之此宮縣四面縣之亦取宮牆圍繞爲名周書大匡篇云樂不精合孔注云精合卽所謂宮縣是也云軒縣三面其形曲者家語正論篇王注云軒縣闢一面也故謂曲縣之樂江藩云軒說文曲輶藩車軒有曲義曲字篆文卽如軒縣之形云故春秋傳曰請曲縣繁纓以朝諸侯之禮也故曰唯器與名不可以假人者賈疏云按成二年左氏傳云衛孫良夫將侵齊與齊師遇敗仲叔于奚救孫桓子桓子是以免既衛人賞之以邑辭請曲縣繁纓以朝許之仲尼聞之曰惜也不如多與之邑唯器與名不可以假人注云諸侯軒縣闢南方形如車輿是曲也引之者

證軒爲曲義也案賈引左傳注蓋賈服義云立謂軒縣去南面
辟王也者惠士奇云何休曰天子周城諸侯軒城軒城者缺南
面以受過也古者城闕其南方謂之缺其形曲軒縣曲一面蓋
所以示謙歟江藩云軒縣之制見於儀禮以諸侯之制上推天
子之制可以略言其槩大射儀云樂人宿縣于阼階東笙磬西
面其南笙鍾其南鐃皆南陳建鼓北阼階西南鼓應鼙在其東
南鼓此阼階之一肆也西階之西頌磬東面其南鍾其南鐃皆
南陳一建鼓在其南東鼓朔鼙在其北此西階之一肆也一建
鼓在西階之東南面此一縣僅設建鼓乃北面之一肆也鐃在
建鼓之閒鼗倚於頌磬西紘此二器倚而不縣者也雖東縣之
建鼓應鼙移於阼階西又北面僅一建鼓與軒縣之制小異然

宮縣之制可以由此推之矣宮縣四面皆縣一肆鍾一堵磬一堵有鐃有建鼓有應鼗西縣之制同於東縣惟笙磬笙鍾頌磬頌鍾應鼗朔鼗異其名耳據此則南面一肆北面一肆亦必有鍾磬鐃有鼓有鼗而鍾磬之名不可考鄭君云先擊朔鼗應鼗應之則南面北面之鼗亦可以名應鼗矣笙倚於堂鼓倚於絃與軒縣同此宮縣之大略也軒縣三面縣去南面一肆蓋諸侯之制降天子一等故云其一面焉其本制則三面皆縣大射儀北面一縣惟設一建鼓無鍾磬鐃者辟射位也一建鼓在西階之東南面注言面者國君於其羣臣備三面爾無鍾磬有鼓而已其爲諸侯則軒縣賈釋曰言國君合有三面爲辟射位又與羣臣射闕北面無鍾磬鐃直有一建鼓而已若與諸侯饗燕之

類則依諸侯軒縣三面皆有鼓與鍾磬鐃賈釋注意明析之至
蓋射在堂上縣在堂下物盡在兩楹之間鵠設於侯道之南苟
不去北面一肆則矢及鍾磬矣然則天子射儀亦去北面一肆
並去南面一肆若不去南面一肆則矢亦必及於南面一肆之
鍾磬矣是天子射儀之樂縣與諸侯大射同也至東縣之建鼓
應鼙移於阼階西者鄭注云鼓不在東縣南爲君也蓋此鼓與
應鼙本屬東縣當如西縣以次而南今移在阼階西故云不在
東縣南也爲君者蓋大射君以臣爲賓君雖以宰夫爲主人然
公席於阼階上西鄉則仍就主人之位是東縣一肆爲君設也
西縣一肆爲賓設也鄭注奏樂先擊西鼙樂爲賓所由來也先
擊西鼙君以賓禮臣而爲臣者不敢當此盛禮乃移東縣之鼓

繫於阼階之西所以尊君也鼓鼙之位當設於阼階西南面橫
列之故經文云南鼓又云應鼙在其東也若東面則經當云東
鼓不得云南鼓而應鼙亦在建鼓之北不得云在其東矣此大
射樂縣異於軒縣之說也案江據大射儀推宮縣之制其說甚
覈惟大射儀鼓皆用建鼓依明堂位說周制則當用縣鼓又禮
器說祭樂云廟堂之下縣鼓在西應鼓在東此與大射禮所縣
不同孔疏引熊安生謂此謂祭禮與大射射禮有異孫希旦云
大射東方西方之縣皆鼓南鼙北不可以言東西此云縣鼓在
西應鼓在東據階間之縣言之也東方以應鼓與笙磬笙鍾相
配階間之鼙爲應鼙則磬亦笙磬鍾亦笙鍾也若天子宮縣則
於南方亦備縣鍾磬鼙鼓而與階間相對東方西方之縣同北

上則階閒南方之縣同東上階閒爲應鞞則南方爲朔鞞階閒爲笙磬笙鍾則南方爲頌磬頌鍾也案孔熊江孫諸說異義並得通經注並無文未知孰是也云判縣左右之合又空北面者朝土注云判半分面合者判縣左右分列相對正合較軒縣又空北面也云特縣縣於東方或於階閒而已者賈疏云案鄉飲酒記云磬階閒縮審注云縮從也審以東西爲從是其階閒也案鄉射云縣於階閒西北面注云此縣謂磬也縣於東方辟射位也是其東方也詒讓案鄉射鄉飲酒皆大夫主之而不用判縣者鄭鄉飲酒記注云大夫而特縣方賓鄉人之賢者從上禮也江藩云鄉射禮鄭目錄云鄉大夫或在焉是鄉射以士爲主鄉大夫往亦可不往亦可所以用士之值縣也蓋值縣本在階

閒辟射位乃移於東方也鄉射洗當東榮縣在洗東北西面則
近於坵矣凡縣鍾磬半爲堵全爲肆鍾磬者編縣之二八十六
枚而在一虞謂之堵鍾一堵磬一堵謂之肆半之者謂諸侯之
卿大夫士也諸侯之卿大夫半天子之卿大夫兩縣鍾東縣磬
士亦半天子之士縣磬而已鄭司農云以春秋傳曰歌鍾二肆
疏凡縣鍾磬半爲堵全爲肆者著縣鍾磬之通法也 注云鍾
磬者編縣之二八十六枚而在一虞謂之堵者明單縣鍾或磬
一虞十六枚者重是半爲堵也初學記樂部引三禮圖藝文類
聚樂部引五經要義說並同賈疏云經直言鍾磬不言鼓鐃者
周人縣鼓與鐃之大鍾惟縣一而已不編縣故不言之其十二
辰頭之零鍾亦縣一而已今所言縣鍾磬者謂編縣之二八十

六枚其在一虞者也鄭必知有十六枚在一虞者案左氏隱五年考仲子之宮初獻六羽眾仲云夫羽所以節八音而行八風故以八爲數樂縣之法取數於此又倍之爲十六若濳刻四十八簫亦倍十二月二十四氣故以十六爲數也是以淮南子云樂生於風亦是取數於八風之義也按照二十年晏子云六律七音服注云七律爲七器音黃鍾爲宮林鍾爲徵大簇爲商南呂爲羽姑洗爲角應鍾爲變宮蕤賓爲變徵外傳曰武王克商歲在鶉火月在天駟日在析木之津辰在斗柄星在天龜鶉火及天駟七列也南北之揆七同也臧氏爲鍾以律計自倍半一縣十九鍾鍾七律十二縣二百二十八鍾爲八十四律此一歲之間數此服以音定之以一縣十九鍾十二鍾當一月十二月

十二辰辰加七律之鍾則十九鍾一月有七律當一月之小餘
十二月八十四小餘故云一歲之閏數案大射笙磬西面頌磬
東面皆云其南鍾其南鍾北方直有鼓無鍾磬辟射位則三面
鍾磬鍾天子宮縣四面鍾磬鍾而已不見有十二縣服氏云十
二縣非鄭義也隋書音樂志云初後周故事縣鍾磬法七正七
倍合爲十四長孫紹遠引國語有七律尙書大傳謂之七始宮
商角徵羽爲正變宮變徵爲和加倍而有十四焉又梁武帝加
以濁倍三七二十一而同爲架雖取繁會聲不合古又後魏時
公孫崇設鍾磬正倍參懸之牛弘等並以爲非而據周官小胥
職懸鍾磬半之爲堵全之爲肆鄭玄曰鍾磬編懸之二八十六
而在一虞鍾一堵磬一堵謂之肆又引樂緯宮爲君商爲臣皆

尊爲置一副故加十四而懸十六又據漢成帝時雉爲水濱得古磬十六枚此皆懸入之義也懸鍾磬法每虞準之懸八用七不取近周之法懸七也案據隋志梁魏周三朝樂懸之制並與此注不合隋人欲依附周縣十六之文而不通其義遂取七音於宮商各增一副苟欲充十六之數而虛懸其二不用所用實止七音仍與後周之制不異蓋牛弘等之謬也江藩云欲明宮縣之制必先求鍾磬之數賁不明康成之旨漫引服說而亦不辨其是非服氏所謂七律者宮商角徵羽變宮變徵也十二均分七律得入十四律卽後世之七均入十四調也服以爲天子盛樂必備此入十四調之樂器殊不知古人旋相爲宮之法卽用此十六枚之鍾磬耳如服說一虞十九鍾則一虞之內既有

十二月鍾矣何必又加五音二變之聲服說非古制此鄭君所以不從也自有服說而編磬編鍾之制紊亂不倫有設十二鍾於辰位四面設編鍾編磬者北齊也以鍾磬七正七倍而縣十四者後周也以濁倍三七而縣二十一者梁武也以鍾磬參縣之正聲十二倍聲十二而縣二十四者魏公孫崇之說也主十六枚之說又加以宮商各一枚者隋牛弘之說也言人人殊茫無定說者皆不知鄭十六枚之義耳十六者十二辰之外加四清聲爲十六也惟北宋用古制以十二枚爲正鍾四枚爲清鍾何謂四清聲黃鍾大呂太簇夾鍾之清聲清聲有六用之者四以姑仲之半律太高不能歌是以不用也論樂者但知半律倍律而不知用四清聲之故明朱載堉樂律全書云中聲之上有

半律是爲清聲中聲之下有倍律是爲濁聲以人聲驗之十二律由濁而清黃大太夾姑仲蕤林夷南無應皆自然也繼以半黃大太夾雖清可歌至於姑仲則聲益高而揭不起或強揭起非自然矣十二律由清而濁應無南夷林蕤仲姑夾太黃皆自然也繼以倍律應無南夷雖濁可歌至於林蕤則聲益低而咽不出或強歌出亦非自然矣鄭世子之論可謂發千古之未發十二均之中必用四清聲者八律還宮用清聲以變濁用濁聲以變清若無此四聲豈能移宮換羽乎案江說是也孔廣森金鶚亦並以編縣鍾磬十六爲十二律加四清聲蓋十二律皆可倍可半而清聲止用四者自當以朱氏太高揭不起之論爲是至賈引服虔說鍾十二縣備八十四律與此經注並不合依

其說則每縣七律也但大師止有五音無七音則不以二變爲
調是每縣各當減二律十二縣爲六十律乃協古制耳服氏十
二縣之說江賈並廢其非徐養原云十二不必備陳樂與禮相
表裏行此禮則奏此樂祀天神則陳黃鍾大呂二縣而已矣祭
地祇則陳太簇應鍾二縣而已矣冬至奏於闕正則陳圜鍾黃
鍾太簇姑洗四縣而已矣夏至奏於方正則陳函鍾太簇姑洗
南呂四縣而已矣從無一禮而徧奏十二均之樂亦無一樂而
徧陳十二縣之鍾天子宮縣面皆一堵然則宜奏二均者每均
二堵宜奏四均者每均一堵禮之大者樂不過四均四縣之外
何所用之又云鍾特縣之法每均五鍾每鍾一虞五虞而成一
堵有事陳於庭則左右各一堵儀禮笙鍾頌鍾之南皆有鐃說

文鍾字注云堵以二與禮經合特縣者五虞爲一均十二均凡六十虞編縣者每虞爲一均十二均凡十二虞案依徐說則鍾雖備十二縣而陳於庭者仍止所用律均之縣不必備陳十二於義得通服意或當如是也六十調八十四調之異詳大師疏云鍾一堵磬一堵謂之肆者藝文類聚引五經要義說同此明備鍾磬二堵而後成肆故大射儀注云有鍾有磬爲全國語晉語韋注左襄十一年杜注並云肆列也唐郊祀錄引三禮義宗云肆者陳也一縣鍾一縣磬合而成之一肆之中鍾十六磬十六合爲三十二案晏子春秋諫下篇云鍾鼓成肆則鼓亦有肆但不編縣耳賈疏云堵者若牆之一堵肆者行肆之名二物乃可爲牛者一堵半其一肆故云半爲堵全爲肆也云半之者謂

諸侯之卿大夫士也者天子宮縣則四面縣四肆諸侯軒縣則三面縣三肆天子卿大夫判縣則左右二肆士特縣則一肆皆不得有半故知半者謂諸侯之卿大夫士也云諸侯之卿大夫半天子之卿大夫西縣鍾東縣磬者賈疏云天子諸侯縣皆有鍾今以諸侯之卿大夫士半天子之卿大夫士言之則卿大夫士直有鍾磬無鈞也若有鈞不得半之耳必知諸侯卿大夫分鍾磬爲東西者以其諸侯卿大夫亦稱判縣故知諸侯卿大夫以天子卿大夫判縣之一肆分爲東西也夏竦云左傳鄭昭晉侯歌鍾二肆爲判縣之制以半賜魏絳絳分之爲左右故曰始有金石之樂此諸侯之卿大夫判縣西鍾東磬之證也云士亦半天子之士縣磬而已者賈疏云天子之士直有東方一肆二

堵諸侯之士半之謂取一堵或於陸間或於東方也夏斯云鄉飲禮磬階間縮諸鄉云大夫而特縣賓鄉人之賢者從上禮也此諸侯之士特縣無鍾磬半爲堵之證也鄭司農云以春秋傳曰歌鍾二肆者證縣鍾磬全爲肆之義段玉裁云當作鄭司農說孔維汾黃不烈校同江藩云襄十一年左傳鄭人賂晉侯歌鍾二肆及其鈔磬晉侯以樂之半賜魏絳魏絳於是乎始有金石之樂禮也杜注肆列也縣鍾十六爲一肆二肆三十二枚預妄以一堵爲一肆孔穎達強爲之說經明云半爲堵全爲肆所以半爲全與經文異且傳文歌鍾二肆者歌鍾和歌詩之鍾不言磬者省文耳孔疏所謂兼有磬矣下文云魏絳於是乎始有金石之樂夫石磬也上文不言磬此言石者以足成上文之不

言磬耳及其鐫磬者鐫卽大射南陳之鐫也磬非編磬之磬乃特磬耳孔云及其鐫磬者鐫是大鍾磬是大磬皆特縣之非編縣也據此則編縣之南亦當有特縣之磬如編鍾之南有特縣之鐫矣此磬非編縣故傳言及也晉侯以樂之半賜魏絳若從杜說樂之半則僅有縣鍾十六一堵矣安得云始有金石之樂乎案江說近是鄭賂晉鍾磬各有特縣編縣晉侯唯以編鍾編磬賜魏絳其特鍾特磬非大夫所得用蓋不以賜也杜注以鍾縣自得稱肆則是一虞二荀荀各八鍾共十六鍾謂之肆半肆謂之堵磬亦如之此與傳歌鍾二肆及國語晉語公賜魏絳歌鍾一肆之文亦自無迂然非鄭義也

周禮正義

禮四十四

四十五

楚學疏

卷六十二

周禮正義卷四十四終